



CLODOVEVS hoc nomine primus, Francorum Rex quintus, Francicæ vtique religionis conditor, successit patri Childerico anno mundi 4448. à Christo nato 486. Hic vxorẽ duxit Christianam Clotildem Burgundionem. Syagrius, Egidij Romani filius (eius qui, expulso Childerico, Frãcis præfuerat) à Suefsionibus expulsus, Tolosam cõfugit ad Alaricũ Visigothorum Regẽ: à quo proditus, & Clodoueo redditus, securi percutitur. Sic desiere expulsi & cæsi in Galliis imperium habere Romani. Deinde Clodoueus Turingiã debellat: à Rheno ad Sequanã regnum ampliat: ad Ligerim vsque fines suos extendit. In bello quod ad Tolbiacũ gessit, periculi magnitudine, idolorumque diffidentia, repentiẽ vouit se Christianũ fore: voto facto Germanos hostes vicit, subegit, tributa imposuit: à D. Remigio Remẽsi Episcopo cũ Frãcis omnibus baptizatur. Post hæc Gundebaldũ Burgundiæ Regẽ regno & patria cedere coëgit: Alaricũ Regẽ cum suis Visigothis fudit. Mœnia Engolismę ruinosa in cõspectu Clodouei vrbẽ aggressuri ruunt: illinc Burdegalã vsque hostes insecutus, iterũ vicit. Omnes tum ferè Gallias, & vniuersam Alemanniã Rex sub ditione tenuit: ab Anastasio Imper. dona recepit, Patritiatus & Cõsulatus titulũ, & insignia, coronã insuper auream, multis vnionibus distinctã, quã postea Romã D. Petro offerẽdã remisit. rexit an. 30. Hic Lutetię sepultus est in eãde quã D. Petro & Paulo crexerat: hodie Fanũ D. Genouefes vocatur. Acm. li. i.

CHILDEBERTVS patri Clodoueo successit ann. mudi 4478. à Christo nato 516. Hic Almaricum fundit, occidit: Hispanias populatur: sororem, quòd ab Arriana hæresi abhorret, à viro Almarico Alarici filio durè tractatam, reducit. Tandẽ obiit sine liberis anno regni 45. Sepelitur in æde D. Germani ad Parisios ab eo erecta, & dicata D. Vincentio.